

泊鷗山房集

泊鵲山房集卷三十六

會稽 陶元藻 鳧亭

詞二

如夢令

春景

細雨薄暉相濟正是養花天氣
碧柳一叢叢中有小桃
橫倚風起風起幾點紅投窗裏

鵲橋仙

題閭門酒肆

時逢上巳朋來吳下蝦菜五湖味倍簾前不斷賣花聲

覺滿陌春深如海
流連顧曲纏綿把琰非爲眞娘墓
在今朝大嚼過屠門要相識善椎朱亥

瀟湘神

錢江晚歸

江水流江水流寒鴉聲落海門秋
暝色滿帆風力緊西陵鐙火照潮頭

沁園春

揚州旅興

遠卻瓜州便近邗江風光正
賒有春水綠波縈紆舊郭
短牆紅杏掩映誰家簫響猶聞玉人何在
廿四橋傾水

拍沙再休問長堤錦纜內苑瓊花
雷塘一抹殘霞嘆
終古垂楊有暮鴉任籬菊庭柯夢尋故國鬢絲禪榻身
寄天涯第五泉邊二分月下細品人閒顧渚茶沈吟久
到六街寂靜星斗橫斜

多麗

燕蔡芳三寓舍卽席送胡穉威赴良鄉周園牧
赴通州

過城南中郎新闢書堂春明市傳柑節近試鐙風裡飛
觴紙窗前寒堆老雪板檐上斜挂殘陽安邑菰貽潞河
笋到關東異味有鱗鯉欣此夕人占星聚底事別匆忙

長貧客唐花枝畔各訴離腸 再休言千里萬里只咫尺
便蒼茫古長安居原不易暫消受店月橋霜爲問何
年不因人熱能自作嫁衣裳買得薄田歸去吳越水雲
鄉謝紅塵尋梅邨塢暴背山莊

綺羅香

張詰士齋中食蟹時閔蓮峯鄭板橋陳授衣蔣
秋涇各賦五言一章余因填此闕

露白葭蒼江邨月黑正是螯肥時候箇箇輸芒郭索聲
依籬走青衫客身在江湖休問監司有否笑老饕爾雅
粗諳蟛蜞不悞饒涎口 揀團尖解脫處清腴色味滿

篋營瘞瘳理分肌敢鹵莽貽譏疎漏咀含唇吻狼籍賓
筵都忘卻手持左右倒囊錢還訂漁郎秋照黃昏後

月華清

重過金陵懷古

鍾阜石頭古稱天險多少滄桑遷播王謝堂前那許燕
兒長坐宮井畔玉樹歌殘臺城上紙鴛風墮何恨晉樓
船沈卻波心鐵鎖 昔年曾過秦淮正微雨收虹斜陽
送舵襍被重來尙有鷗盟待我青溪渡口酒榭雖非紅
板橋頭鐙舟猶可吹徹玉笙寒閒話六朝江左

疎簾淡月

秋夜旅舍讀書

駒光易逝汲古綆偏修夜還繼日客館淒清細檢蠅頭
幾帙寒灰難熱茶鐺黑僮奴睡熟頭加膝涼風吹袂寒
蛩到耳打窗葉急家貧免鑿匡衡壁短長檠火照人
頭白贈墨爲誰助我精研周易不求甚解書何益啓雙
扉翹首天北一分旅況二分夜景三分秋色

山亭柳

送于小謝先生歸金壇

太史頭銜祿養足清酣懷故國挂歸帆擺脫東華塵土
摒擋舊笈書函笑道田園味美老去彌甘潞河水碧

兼楓赤風光秋九勝春三菱角直蟹臍尖望見金焦兩
點浮沈冷翠烟嵐千里雁聲相送聽到江南

慶清朝慢

別陳句山先生

帽影衝風鞭絲拂雨五年索米長安憐才豈少是誰倒
屣門闌幾度陶然亭畔論文心許臭如蘭高談久騰觚
飛爵燭跋銅槃落拓不逢狗監應身歸鶴砦夢繞魚
竿雲非出岫敢說鳥倦知還只恐星星華髮難隨征鐸
轉桑乾向何處一彈再鼓流水高山

長命女

鼎湖山觀瀑

天下瀑布多以直長取勝惟鼎湖之瀑以橫濶見奇

層巒下汜濫乳泉奔似馬聲撼山靈怕十丈銀牆乍倒
百幅布帆齊挂看閃閃光搖晝夜與白雲同瀉

歸朝歡

題常山旅店壁

叔子不如銅雀妓奴價何年能勝婢腰包腳裹雪風天
乘車戴笠炎涼地送窮窮不已樞閒休學長鳴驥苦行
僧一瓶一鉢飢飲終何濟未消碗礪聞琴起壯不如
人今老矣長門空賦孰酬金南皮有約堪沈李人生行
樂耳去多時日來無幾盍歸乎非竹非絲山水清音裡

如此江山

謁湖州韓文公廟

螭精圍繞檐楹疊正在亂峯青處瘴雨銷沈蠻烟開朗
不是元和風土靈旂長駐應忘卻藍關雪中辛苦夜靜
山空大顛飛錫猶來去江流蒼莽一檝嚴於鐵鉞鱗
魚羞沮八代文章三唐人物只有公平其庶黃蕉丹荔
我瞻拜徘徊邯鄲怎步榕樹陰中手捫碑字古

風蝶令

客中送孫永延赴保陽

我殊機入洛君似粲依劉一般風雪打包游博得鬢毛

蕭颯幾絲秋 縞紵俱無益黃金幸少留十雙歸買鑑
湖頭各去曉耕春雨叱烏牛

采桑子

桐廬舟中

浮家不畏風兼浪纔罷炊烟又裊茶烟閒對沙鷗枕手
眠 晚來人靜禽魚聚月上江邊纜繫巖邊山影松聲
共一船

花發沁園春

寄樊榭

從古癡錢酸寒無分空勞雨雪驅遣君歸未卜我又長

征三載燕昭臺畔野店長河把雞月狐冰歷徧歎影倦
團團磨驢依舊貧似原憲老去詩人尙健是天賜鐫
鏤張軍毫硯廣陵調絕白雪歌希蜜苦膽泔誰辨關山
離異何日起南飛秋雁一樽開黃篋樓頭夜闌吟燭同
剪

錦纏道

兩夜德州旅舍作

路近燕臺行盡迢迢齊魯寒城外蕭然羈旅殘鐙無焰
孤衾處纔斷鴻聲又下淒涼雨聽密密疎疎夜分未
住別離天較月明更苦今宵料不成眠這車輪腸轉多

少思鄉句

沁園春

邯鄲道上

古陌蒼涼往事回頭憑弔傷懷八萬旌旗奪將晉鄙三千粉黛歌到叢臺公子難歸君王易逝如許豪華盡劫灰荒原上惟銜泥社燕飛去重來 呂仙祠下徘徊問枕上封侯安在哉便炊熟黃粱榮華有幾夢長年短樂極終哀人盡盧生沈迷罔覺百二蟠螭枉費推真享用只五湖蝦菜布襪青鞋

卜算子

泛彭蠡

南條禹跡存陽鳥汀洲滿何處康郎古戰場一髮青痕
淺中流發櫂歌響答漁舟晚葉葉風帆下夕陽秋水
連天遠

滿庭芳

咏銅雀瓦硯

鄴殿銷沈西陵何處寒蕪衰草連天惟餘鴛瓦一片落
臺邊憶昔明霞曉映畫檐與繡棟爭妍覆盡了分香賣
履多少美嬋娟天然徑尺硯未加雕琢休問方圓賽
魯瑱荆璧溫潤堪憐那得銀鈎書法蘸荷珠細碾松烟

把當日陳琳一檄寫上刻藤箋

水調歌頭

登滕王閣

出郭近秋渚楓樹正酣霜今朝把酒何處高閣尚臨江
渺渺衡廬難接但覺長天秋水終古自蒼茫一幅畫中
蝶栩栩夢滕王梁園廢縵嶺寂小山荒畢竟子安騷
雅畫棟沐餘光漫說能文世少只恐知音人遠俯仰總
神傷幾點捲簾雨濺上客衣涼

蘇武慢

度居庸關

數里寒雞一鞭曉日天險居庸迎眼懸崖拔地峭壁排
空卻少塵沙打面林端架閣石罅奔泉馳到彈琴峽畔
叭噠崎嶇雲裡馬蹄俱顫憶當年寶憲提戈燕然凱
奏銘著扶風班椽淒涼土木野宿龍旂又痛禍胎閹宦
歷歷長城迢迢宣府從此金甌永奠最愛他疊翠嵐光
照到關門四扇

沁園春

答劉豹君

魚素南來承訊平安敢訴無聊憶幼習編摩聚同雞蹠
長耽著述東比牛腰萬水千山危檣羸馬雨雪飢驅兩

鬢凋蹉跎久慨徒知捫虱竟負題橋
經生伎倆空豪
被放年年類杜羔看黃盡槐花風簷六尺落殘桂子樺
燭三條誰復如卿君應憐我一樣頭銜托葦蕭再休說
那班張詞賦裹鄂弓刀

鳳凰臺上憶吹簫

燕子磯

不爲春來豈因秋去經營巢壘休忙任紅襟浪拍修尾
波撞閱盡六朝三國干戈事多少興亡江山好欲飛仍
止軟語商量
蒼蒼苔纏蘇剝與鸚鵡芳洲千里相望
異零陵碎石豈必成雙憶自辭歸王謝已無意再上雕

梁宵依依秦淮蓬戶百姓尋常

金明池

花塚

藥碗春殘盡廊夜靜窗外微聞花泣問芳樹底事闌珊
步蒼苔不勝狼籍幸劉伶春鍾相隨聚臙脂築起孤墳
三尺顚影沈沈色空無著付再近他裙屐我似宮人
斜處立感環珮飄零松楸蕭瑟抔土下餘香漸散肝表
畔紅顏迴隔慨清明上冢爲誰歎舞蝶忘情游蜂絕跡
惟杜宇聲聲招魂枝上長弔月寒風撼

浪淘沙

趙北口

塵色避征衫水忽拖藍車襜影外見船簾一道裙腰堤
草綠界破澄潭絲柳碧纖纖眠起俱三隨風慣拂過
橋驂添得杏花春雨也便是江南

東風第一枝

濟南懷古

戲馬臺前濯纓湖畔一肩暫息行李弔賜履遺封表海
泱泱千里蓬萊水淺經多少銅駝雪涕問飛來幾點寒
鴉何處穆陵無棣分金友纏綿古誼棄襦客激昂奇
氣招賢只有公孫酖人定非叔子諸賢磊磊恨不九原

呼起杜康泉新釀如佳爲我胸澆魄礪

曲游春

送周藍坡學士奉 命祭告江源西嶽

星旆銜天語將報享神功西窮禹跡王事馳驅敢惜別
河梁臨岐太息四牡皇華後要重著使臣勞績險經奔
馬瞿塘又見巨靈手擘 歷歷寒城荒驛看野館花紅
春帆雨濕醺醺牽犧仰旒冕飛揚雲旗紛集祀事告成
也登臨徧詩篇奇特寫出九派江聲三峯嶽色

疎影

少司馬芝庭彭公告養歸里適新建園亭落成

游以紀勝

風亭月榭似平泉一角楷模初罷曲徑穿煙蝴蝶成團
拂地柳絲盈把養堂移築家園近休錯認毬場酒社要
樓臺徧挹春暉處處碧紗窗挂排列爐香裊處鄴架
離奇宜和古雅三兩詩人分韻聯吟總是循陔佳話長
廊外新晴微雨正剩水殘山瀟灑看昇來冉冉潘輿剛
到紫藤花下

城頭月

螢

蕪城萬箇何年聚零落猶如許臨水瓜棚倚牆花架薄

暮常相遇 畫樓高處因風舉錯認飛星過繞罷井欄
撲殘羅扇還坐人衣去

瑤花慢

題大恆長老閒吟小照

斜凭棐几這箇閑黎是曹溪法裔烏絲界得三五行爲
問推敲完未吟梅賦雪生做就騷人風致辦香禮長帽
仙翁卻肖龜堂老子 半生挂搭名山南北峯前邱隅
知止旂幢屢沐天上露一領袈裟先紫虎溪憶別覺帶
笑脣紋神似待春深茶笋佳時重訪白雲蕭寺

好事近

南邨

散步出柴門秋色果然瀟灑牛背一聲橫笛在稻花田
外虹消天半雨初晴隔浦山如黛森森煙波千頃盡
魚鳧世界

鵲橋仙令

咏桂

攢枝瑣碎籠煙參錯撲鼻香風匪細深根空傲小山秋
占不着月中尺地黃英如鑄白華疑鑿色與名皆富
麗天憐貧士太無聊使畧識金銀夜氣

南浦

秦望山

萬乘蹕崇岡望嶠函雲似行人無數歷歷指神州誰爭
勝百二雄關天府六王已畢乘風好覓西歸路世世阿
房高枕臥遑計楚雖三戶衡陽神禹曾經四千年峒
嶺依然如故底事祖龍亡一片石試問荆榛何處迷離
煙雨大夫松影同消沮想是咸陽灰燼日此亦六丁下
取

泊鷗山房集卷三十七

會稽 陶元藻 鳧亭

詞三

望湘人

杭堇浦於周圍牧寓齋見余珠江集歎賞不已
時余在澈石居堇浦走訪以嶺南集易余詩而
去

記飄零東粵包裹歸來轉瞬兩更裘葛指點羊城六榕
九曜弔盡熙寧人物蚤雨連天蠻煙漲海一囊收拾臥
鄉關幾夢前游口嚼檳榔紅滴 今讀嶺南篇什覺鐵

塔雲層花田逕折笑白髮詩人同是一般饒舌五七字
光孝星巖吟箋分疊俱化羅浮蝴蝶終古賸滾滾寒潮
長打趙陀城闕

滿江紅

張南坪招游林氏園亭黃莘田同作

曲院層臺好一派午橋佳致看處處青雀浮波紅羊繞
砌山水自殊華笛耳松篁總帶煙霞氣任酒兵詩律兩
森嚴攻堅壘年滿百人有幾游秉燭良有以況月華
冰淨花陰篩地元鶴夢迴吟未斷黃雞唱罷杯重洗笑
盤餐何物解人頤楓亭荔

青玉案第一體

懷秋佳伯兄

容城驛外風吹雨憶草草臨行語千載飢驅人最苦有
窮年壽無窮離緒此恨憑誰訴君歸我在泉南旅我
歸君入西秦去白首何年茶共煮輸他秋雁相隨雲路
又向蘆花聚

夜行船

湖上春游卽事

鈿扇金裙紛似蟻賽餘霞終朝成綺一月肩輿兩湖歌
舫總被桃花驅使細雨濛濛飄不止惱枝頭斜風又

起催墮紅英揉作一堆香土春上畫梁燕嘴

三姝媚

偕張百斯劉豹君周虎木飲商寶意司馬書齋
卽同步月過水澄橋聞歌有賦

繞庭階梧竹映白髮書生青衫司馬有酒如淮列家傳
柴汝樽罍古雅吟硯精良片石等雀臺鴛瓦重憶當年
說餅簋筵黃花水榭 盃倒接離讌罷聽何處歌臺停
雲響乍顧曲周郎恐梨園人覺轉喉生怕今夕徘徊莫
認作李謦佳話擲笛彈絲偷譜霓裳月下

一叢花

贈梁山舟

辭榮不逐軟紅忙，壯歲早還鄉。清華最是藤蘿月，又何
用太乙、藜光老屋。數椽焚燹，僮灑掃自，熟海南香。葛林
雲樹，罨山莊分翠，到書廊。蹲獅巨石，當窗古掩映，着幾
箇疎簾。卯酒醒時，一甌茶，薺閒搗十三行。

憶漢月

孤山

拳石青依淺瀨，掩映朝雲暮靄。果然洪谷畫圖，幽子固
酒船何在。骨銷簪未斷，塚中疑有誰領。解客來不見
鶴飛回，一樹梅花無賴。

雙雙燕

鼓山

鯨波海岸忽峇峇撐空天雄壁壘中峯放眼一髮琉球
千里嵌翠琳宮岫底排飀骨清寒無比是誰演法降龍
終古人天歡喜漫道靈源聲徒有澎湃松濤猶喧人
耳山門乍暝面面白雲滃起茶椀詩瓢芒履都在星河
影裏徘徊百步長廊滿地月華如水

海棠春

客中有感

件春來也驚春去話家鄉雲波修阻某水某山閒是我

曾游處 寒帷欲臥仍延佇怕夢裡難尋歸路坐對短
檠紅陣陣黃梅雨

蕙蘭芳引

重陽

欲賦重陽又手閒吟意遠幸負郭無田門絕催租吏喚
未能免俗選箇峯巒登踐藉枯藤賈勇拄到夕陽山半
紅葉邨莊黃花籬落白雲亭館經如許安排敢負鰲
肥甕滿長空目淨新晴氣爽望秋城數里彩虹中貫

青門飲

輓觀補亭左都

惆悵當年君來三浙我畱百粵儼如相避落落風塵茫
茫湖海難得一人知己感平生肝膽重鷗盟纏綿多誼
參商偏隔神山轉遠法船罔濟聞說修文在地嘆人
世沈魚誰援波底宿草將零生芻未寄夢到荆高燕市
黃葉秋城下悄朱門歲蕤深閉天涯無紙招魂彈淚向
斜陽裡

風入松第二體

觀書

紅箋鬢寫平安嘆覽古彌艱凝眸點畫生重暈模糊
處善本難完何處問龍乞水洗吾老眼清還少陵花

在霧中看我興亦闌
珊紙窗廢卻攤書坐
怎遣此瓶罄
年殘那得牙籤三萬
盡教字大如椽

玉瓏璫

由三生石至上天竺而歸

花無語石無語
山禽偏把因緣訴
松篁密香臺隔數里
穿雲鳴泉一脈瀉瀉瀉
僧常住佛常住
遺鈿墮舄人來去
峯凝碧煙如織
獨客歸邨馬駛殘日
得得得

醉江月

自述

詞壇掉臂被虛聲
悞我朋儕傾倒畫得旗亭詩滿壁都

變雪泥鴻爪善病相如長貧孺子況復垂垂老讀書何
事關情偏在溫飽 歲歲折柳河橋送人作郡路鬼揶
揄笑既識人生原是夢悔不邯鄲醒早掃葉傭書牽蘿
補屋是我經綸了嬾支藤杖再拜人扶亦好

湘月

延平舟次

灘流停響山城迢亘人煙初滿荒寺雙扉江岸閉潭水
碧於僧眼船尾歸鴻榜腰斜日怎把離愁翦久狎淪漣
魚鳧是我宅眷 潞洄水路三丫維舟何處篙下量深
淺次第邨鐘蘋末起如豹幾聲寒犬劒氣雖空龍腥猶

在弔古吟亭館驚人詩就斗牛恐射詩卷

蕙蘭芳引

夜泊聞鐘

郵板猶嚴聽隔浦黃雞纔喚何處上方鐘響到菰蒲水
岸琅琅清越未許那天風吹斷把眠鳬驚起一陣雁行
分散百八聲聞自成節奏疾徐相閒異鼓動譙樓更
打蝦蟆零亂河漢微雲明星有爛臥霜逢夢醒寒山夜
半

風入松

題何鏡江蜡飲圖

幽風圖畫此重摹八蜡慶畚祭虎迎貓阡陌畔祈報
畢童叟歡呼處處巫簫吹徹邨邨社鼓撾餘豚蹄雞
黍襍園蔬家釀不須沽扶醉各歸邨舍去頽唐狀其樂
何如愧我不勝杯酌枉稱識字耕夫

燭影搖紅

由山塘至虎邱

彈指星霜十年重作吳門客山塘添得幾亭臺扣約攜
樽榼滿地落英狼藉更風颺垂楊絮白濛濛飛過亞字
牆腰棗花簾額虎阜嵯峨酒家樓對生公石依然吹
徹玉笙寒祇嘆人非昔海沸山門裙屐誰澆飯真娘墓

側最傷心是一片荒苔半竿殘日

憶王孫

邦上

賣花聲逐賣錫簫廿四番風廿四橋日輪高照着鶯兒
坐柳條

雙雙燕

題西施廟

蛾眉廟食傳是何年者衣香人影溪毛襍沓我亦移舟
祠下猶獵較同原野遙望見珠旛動處渾疑翠珮明璫
倏駕雲車風馬痛煞蘇臺飄瓦便沈入江心君恩難

捨怎歸越國輕戀粉榆邨社憶到湖灣避暑響屨過靈
巖月榭縱使香像無言也應泪如鉛瀉

燕山亭

游壓烏山

嶽嶽烏江壓乎否耶徒剩湖心石愚叟移山精衛填波
一例齊東詭餅雲水浮沈天生就金焦標格光律笑纔
盪扁舟又乘雙屐我愛竹院伽藍魚蟹通家鶴猿同
室萼羹菰飯且住爲佳話別此君何急風帽回頭詩思
挂斷崖千尺千尺暮靄亂堆深碧

沁園春

春餅

彼餓餒些抑餽飪兮物維其時看釜底細組一輪月魄
爐邊翻覆幾疊雲衣翦燕芳辰放鳩韶景飽啖東風佐
酒卮玲瓏影覺真堪映字豈獨充飢 此中肉味能知
任蔬笋相兼氣亦宜元夕張燈寶筵首列清明上冢蠻
榼猶攜殊費調和不關捶打西北蒸炊識者希如綿樣
只廣微一賦寫照精微

石州慢

過黃莘田齋頭縱觀所蓄端石諸硯其爲吳門
顧二娘製造數枚特勝

五嶺蠻煙何幸端溪恰逢仙吏可憐解組歸橈幾片鈴
羊石髓清眸鸛鵒盼他葉白花青磨刀羞割春雲紫暮
夜本無金應宦囊只此溫潤無瑕曾經小巷專諸吳
孃手製仿就南唐宮樣摩挲審視蛾眉工巧賞音祇有
涪翁臨池穩稱簪花字恨無墨東齋少薛濤牋紙

沁園春

西泠橋步月

三五良朝曳屨西泠月上黃昏燦若金盤不教仙捧大
於炊餅未許魚吞蘇小簾垂六橋人靜獨看嫦娥竊藥
奔新樣色勝白沙翠竹入暮江邨兩湖清氣細縕除

卻漁舟孰與論愛數里波光明疑有燄一枝梅影淡欲
無痕亭榭迷離羣峯煙漲何處重招處士魂風帽側聽
寥寥野寺僧打山門

木蘭花慢

金陵送梁瑤峯巡撫湖南

蔣山纔話舊又一別楚天長對霜葉如花澄江似練離
緒蒼茫難忘昔年嶺表吟箋酬和墨痕香終日步松官
閣幾番擊鉢西窗堂堂開府向沅湘戟繞碧油幢念
恩深帝簡爲霖作楫休負封疆襄陽峴碑猶在好將
裘帶繼循良莫學庾樓老子徒矜嘯月清狂

湘月

人日

蓬門晝靜容白頭消遣草堂人日煙艇斜川魚鳥近過
眼兩更晨夕餅餌香清菜羹味美臘蟻浮樽碧梅花一
樹疎影籠我巾幘須念清福無多城南佳處莫負登
高屐幾陣東風簾外至吹熱酒顏增赤挑菜籬邊打冰
河上定漏春消息尋芳休待蘼蕪青到前陌

昭君怨

曉渡廈門

四野荒雞聲作催得晨星落
落一棹趁浮鷗過浯洲

纔隔銅魚城郭又到嘉禾海角紅樹擁山樓鷺門秋

瑣窗寒

重過香爐峯下老不能登悵然有賦

五十年前手捫星斗振衣雲表寺門閒竚覽九點齊煙
小嘆再來前度劉郎具無濟勝徒煩惱這蕭蕭白髮那
堪偏值西風殘照石棧天梯杳似夢後華胥追尋難
到寄語方袍松逕何須重掃睇孤峯螺髻堆藍依然秀
競千巖好嶺頭猿笑煞鬢髻人老青山少

解語花

寄酬穉威

煙霞骨相魚鳥心情丹轂原非侶夏蟲相遇冰難語誰
識薦雄詞賦升沈有數已早卜君平季主僕至今恨海
難填君豈天能補萬卷撐腸共許柰蛾眉謠詠泪零
如雨儒冠竟悞徒自嘆寂寞乾坤一腐茫茫塵土有多
少英雄失路慨當年鸚鵡才高搥破漁陽鼓

玲瓏四犯

萬松嶺送齊息園少宗伯歸天台

京國唐花曾共壺觴彩毫分賦天上夔龍歸訪漁朋鷗
侶若非墜馬金門肯輕放懸車衡宇廿年畏友重逢慰
盡關河離緒亡書三篋曾吞吐山窗正與論千古亭

舉木葉下蕭蕭一棹送君南浦幾回思上瓊臺鶴背天
風猶咽訂石梁橋畔待我瘦筇同拄

燭影搖紅

悼亡

四十年來離多聚少風兼雨老親幼子更家貧饑歲偏
遭屢多感室人指柱悵零落釵荆半股塵生鏡匣想泣
牛衣那能共處憶昔挑鐙溫經相伴鳴機杼吾衰不
改舊門閭孤負糟糠苦病松淚痕無數有多少傷心未
語招魂何在野曠天高亂雲如絮

夏雲峯第二體

招夏更生廣文邵二雲王方川兩編修黃華陔
孝廉讌集泊鷗莊卽同泛舟湖上

鹿眼籬疎魚鱗徑曲空谷足音相接斲荒圃鮮烹犢角
汲幽澗香浮雀舌醉如泥射覆藏圖各各斗量才聰明
冰雪喜星聚茆堂屢盈蓬戶都是過江人物新漲重
湖煙水濶漫回頭萬壑思歸東越綠楊岸權隨飛鷺紅
藥塢坐聽啼鳩豔陽天一詠一觴這裙屐風流寧輸老
鐵消夏應佳訂蘭舟莫負藕花時節

齊天樂

余在閩時嘗命善歌者度曲有吳山葉生年已

七十聲猶絕倫每屆歌期輒居首座今相隔管絃十有餘載決回思往事爲之惓然

九仙山下飛觴酌燭影光搖簾箔閉炙鷺笙催搯羯鼓
不
手
不
喉嘹亮已度卻數里綠楊城郭富貴

何時人生固當早行樂十部華清唱徧更移宮換羽
悲歌交作三疊陽關一聲河滿泪與林花並落風流雲
散料白髮龜年繞梁非昨幾夢雙門顧曲水雲池閣

壺中天

題樹滋六弟觴咏圖小影

輕輿軟馬謝紅塵不愛五陵城郭綿羽清音林杪出喚

破幽人寂寞春草池塘西堂夢醒往事渾如昨惠連相
對媿我才遜康樂憶昔癸丑羣賢主盟誰是一序臨
河作今日無朋偏得酒蘿月松風獨酌叉手詩情撚髭
吟態多少碧雲烘托畫師知爾胸中自有邱壑

鳳凰臺上憶吹簫

題董香光連昌宮圖

長慶詩豪華亭畫史後先意匠非常感銀牆圍繞萬箇
叢篁處處雲窗霧闥珠簾隔釵影衣香何緣見掃眉號
國吹笛寧王茫茫霓裳驚破漁陽鼓延秋多少蒼黃
痛凭欄人去鳥啄空廊那得白頭宮女招魂至坐說先

皇難圖寫馬嵬長別劍閣淒涼

臨江仙

同李姬桂芬泛舟湖上

一棹段家橋外去白髮對紅顏
船窗同看水雲閒軟玻璃內倒影夕陽山
皎潔冰輪湖岸起清光十倍山閒
山齋鐙火莫招還有情天好忍
捨蓼花灣

酹江月

臘八日作

嘉平良序正舒翠階下祥蓂八葉七寶芳鮮語寵安此
是東京故物香稻新春寒樵初墮作粥全家啜堂餐何

異但輸蕭寺瓶鉢 今日浴罷牟尼想一絲不挂六塵
俱脫祇惜流光赴壑蛇揭諦神威難遏炙硯爐邊莫草
草負此殘冬風月沈吟良久有無佳句呈佛

泊鴈山房集卷三十八

會稽 陶元藻 臯亭

詞四

夜行船

山莊秋夜

過話漁樵歸去矣聽招提晚鐘乍起零露溥溥飛螢箇箇一碧天光如水舊宿寒鴉猶未徙好林泉鳥猶知止偷看詩人今夜月高風定夢在木樨香裏

點絳脣

惜春

春去堂堂暖風吹老垂楊線蝶蜂爭戀攔住飛花片
爲報詩人詩料從今鮮除非湖岸水檻芙蓉戰

疎影

輓彭芝庭大司馬

支硎山路有佳城鬱鬱亂雲遮住十五年前樽酒談心
鬚眉今在何處騎箕駕鶴俱難擬恐已作芙蓉城主賦
大招慟哭三閭滿紙冷風淒雨最感燕昭臺畔屈星
軺乍發慨慷數語阻我爲誰彳亍天涯歸馬似泥沾絮
纓桐孤負裁成意至白首轉悲自悞買五絲繡出平原
還把范蠡金鑄

齊天樂

湖上送鄭誠齋宮允歸嘉興

故人久旅金沙北，閱徧堤花開謝。煮茗焚香，風亭月舫，長共水天閒話。回首當年，燕市前盟，嶺南舊社。晨星落
落，幾人猶對西窗夜。漫說香山坡老，絡繹游驄，誰似
書篝多暇。底事思歸紅塵輕惹。今夕帆風天假。人何在
也。烏柏塘灣白蘋洲。浪涼雨蕭蕭，獨坐孤篷下。

菩薩蠻

春行

賣餠簫暖鶯聲急，裙腰堤草風吹碧。春色落誰家，牆頭

出杏花 酒樓臨水畔 丁字簾初捲 宋嫂作魚羹 蘭橈
且暫停

沁園春

贈鮑以文卽酬寄懷之作

古歛青衫 羈旅錢塘 星霜幾更有 老屋三閒 然脂夜輯
明駝千里 負篋晨征 名重蕭齋 題襲

宸翰 特許多多益辦能

恩稠疊 更秘書龍錫曠代殊榮 新詞寄我 柴荆愛俊

逸參軍 句有聲愧飛閣層樓豪情難遣 紙窗竹屋野景
初成 紅蓼灘邊 綠楊磯畔 管領魚兒老此生待良友把

吟箋對劈酒盞同傾

南鄉子

詠洋桃花

一樹暮春初。搓粉雕瓊雪。作膚彈上輕紅脂。幾點清腴。
尋徧桃源種。絕無嫩色。照林於燕瘦。環肥兩不如。妬
嬌若。經花畔也。驚呼我見猶憐。況老奴。

黃金縷

三月三日雪

凍就如膏。三月雨。柳未成陰。鶯地先飛絮。料峭東風寒。
不住枝頭。吩咐鶯歸去。白雪陽春歌。一處曲水生冰。

修禊人難聚滿樹天桃絢變素教人錯賦梅花句

解珮令

重過錢塘門新莊有感

石連雲徙樓淩波起這平泉經營匪易曾共家姬待涼
月闌干徧倚到而今渾如夢裏扁舟誰繫重門誰閉
手栽梅此時開未過眼雲煙孤負了蔚宗高詛付東流
一湖煙水

十六字令

宿浮峯寺大悲閣

秋薄暮蛩鳴佛院幽松風起吹月上高樓

百字令

魯瑤圃齋頭看菊

城南逸士養霜葩滿院嘉名無數密密疎疎相閒處映
帶筆床茶具和靖寒梅濂溪碧藕怎與秋香侶西風拚
瘦簾前且避涼雨最是鳳脰高燒魚膏低射光閃驪
珠吐一月歡場猶未了詎負半年辛苦媿我東籬幾枝
冷豔那得奇如許畫欄干畔如何別卻花去

探春慢

汪龍莊以校文試院詩見寄製此闋答之卽以

代簡

趙武孤生舉魚孝感天遣牛刀早試雲夢波寬洞庭岸
濶穩送飽帆風利循績陽城近勞撫幸無忘古意眼中
桃李盈門郭外桑麻滿地憶昔泊鷗舊墅曾鬪酒煙
霞聯吟荷芰疎雨廊前殘陽壁上猶有故人題字正離
懷縈處喜千里新詩忽寄不廢篇章何礙一行作吏

望湘人

簡平確齋

念陳編結習破硯生涯舊雨情懷攸繫彈鋏東甌賣文
北薊幾共馬羸貂敝我老江干君歸林下仕非隱例向
鑑湖營得菟裘咫尺清娛故第

確齋家有
樓名清娛

一帶山青

佛髻况魚籬春漲梅坪月霽料有髮頭陀說盡煙霞妙
偈計何日鼓木蘭片樾重訪曇花水際無垢土分坐蒲
團參取楞嚴真諦

確齋性好佛其別業曰餘菴頗幽致

永遇樂

宿泊鷗莊

掩月柴門沈雲老屋杖藜重倚夢怯難成句敲未穩中
夜披衣起半明不滅寒篝鐙火尙照一堆書史聽聲斷
天邊雁語葉葉風鳴窗紙簾輿遠道桑榆暮齒知有
幾回棲止十二年前養花疊石座滿知名士綠楊紅杏
飄零安在碧牘半池春水再休計榮枯世事物猶如此

東風第一枝

聞葛林園心遠上人坦化爲之憮然有虛照僧
能詩梁山舟延爲住持余因過訪贈之

錫杖猶存龐眉何在蒙泉寂寞如許韋馱金杵仍新長

老衲衣竟腐

心遠初病寺內韋馱忽倒及重葺金身選期升座卽於此夕心遠逝世

沈沈

梵殿誰重振晨鐘暮鼓幸白雲迎得闍黎能繼恆公法

乳

北山詩僧大匠圓寂後久無善吟者

拂淨几編摩蟬蠹煮細薺邀談

稽呂偶然月下敲門時向佛前呈句廬山社裏難見此
少年丰度想連朝雪滿湖天吟到梅花深處

一萼紅

題沈石田畫松

此神物是徂徠天授靈氣鬱網緼梁棟雄才空山偃蹇
老來格更超羣惟樹畔千鈞巨石同古意蒼勁照斜曛
知者爲誰登龍學士射虎將軍 羨煞石田妙繪能腴
中帶骨緩處藏筋滿腹離奇一生兀傲都歸紙上煙雲
恐入夜風吹柯葉有怒濤走屋驚聞應與畢宏張璪鼎
足三分

七娘子

山居

溪山深處清無比草閣蘆簾眞福地花影半床松聲滿

几日高三丈眼方起。山廚休說無兼味。巖收筍蕨潭
叉鯉。觀瀑觀雲且行且止。終當樂死林泉裡。

四字令

春興

峯迴嶺斜雲埋樹。遮香聞路口。三叉識山邨。焙茶清
溪白沙平橋短槎。西窗高挂誰家。看浮來落花。

東風第一枝

贈湯秉玉

絳縣年高少微星。朗城南肥遯。自適水如茗。霄淪漣山
似衡。巫奧折良圖。數畝足領取。一生衣食最憐他。繞逕

楊梅過處帽簷常側 花映著書床筆格雲銷著鵲欄
雞柵招尋耕釣幽人屏絕簪纓熟客支頤窗下看暖翠
浮嵐欲滴倘容吾分買煙霞願傍神仙窟宅

長相思

湖上

米家船范家船書畫裙釵各滿船中閒襍管絃 曉風
天晚風天吹得垂楊絮撲天銷魂又一年

慶清朝慢

趙園

清獻高門平原豪舉歲華深鎖春光垞南崦北隔開三

兩池塘行盡虹橋曲折戎戎舊樹閒新篁掩映着幾堆
怪石碧獸紅羊一幅石丞粉本命良工撫出元壩西
莊煙霞地勝何須郭外尋芳醉欲帚書壁上恐人譏我
醒而狂空留戀笛床茶臼水院雲廊

荊州亭

過石巖山下全軒孫賦

久別煙霞如餓今日捫蘿敢倩雲罨亂山坳又被芒鞋
踏破卸卻衣衫僕馱吟就詩詞孫和落葉掃秋根選
箇好峯對坐

蘇武慢

哭珍兒

地近龍荒味如雞肋去日已生愁緒烽火心驚城隍力
守軟掌五遷瘠土病骨銷磨俸錢蕭索妻子回頭何處
扶櫬歸青鬢姬人五齡弱女早知捧檄如斯庭下傳
經悔不課兒學圃甚矣吾衰那堪腸斷忍見荒郊殯汝
落葉堆前亂峯影裏還把短筇來挂任風吹老泪難乾
灑徧夕陽平楚

滿庭芳

酬陳驤雲比目魚

對豁魚眸忽分隻眼須知同一肝腸合之兩美倘離則

清園山房集 卷三
俱傷畢竟奇仍是耦揚馨處形若相忘愛他並浮雙影
動煙水隔中央 季常遠索得海濱異味佐我壺觴縱
乾雖成薤葜尙如肪纔識無鱗甘美較黃河尺鯉差強
但恐感天邊比翼驚見弋人僵

月華清

送聞遠姪赴江南

楚尾吳頭江南江北是我昔年游處剝雪檣風煉得鬢
毛成素悵阿咸又唱陽關輕逐離鴻遠去過長短亭邊
應和舊題詩句 從今王謝門庭算有幾耽吟起予可
語風送滕王冑畱戀豆棚瓜圃紅葉下山寺尋僧黃菊

畔草堂分賦幽趣問歸帆何日再圖良聚

洞庭春色

臘月五月初度

五葉冀舒今夕何夕回首蒼茫念飄零風雪半生離緒
團圞鎔火幾歲歡場一徑松楸先壙寂痛碑版無出更
顯揚浮生夢忍腐同草木掃等粃糠 中年易傷哀樂
能禁此遲暮淒涼憶鹿門緣淺九泉難起鯉庭祚薄一
个先亡百感茫茫交集也縱有酒如澗亦斷腸休給我
說是翁鬢鑠髮短心長

人壽幾何臣今老矣焉用文爲算少如來佛五年寒卦

多絳縣叟兩歲干支我命不猶磨蝸守慨畫餅時逢復
漏卮莫興感到未來已過現在如斯 山行一枝印杖
藉煙霞猿鶴扶持似少陵野老文而不貴隴西邊將數
則偏奇料理羊裘垂釣去任嵐影溪光上鬢絲祇慚愧
那賣漿食客屠狗男兒

日薄桑榆又加馬齒老醜堪羞況瓶之罄矣江淹善恨
歲將闌也吳質多愁行藥乍回抄术序悵肺病經年更
甚秋催人老是花看盡霧蟻鬬如牛 自慚蝨蛄歲月
歎親故且似蜉蝣過黃公壚畔已無舊雨習家池上都
是新鷗裏足不趨觴咏會恐年少田郎厭白頭天憐否

或蔗甜獨後纒古同修

古不云乎達人知命較恁枯榮柰興悲古廟重瞳有淚
見嗤遠使金榜無名何處更矜嘴爪健對快馬康莊話
不平笑前夕授南柯太守衣錦宵行能參透存亡數
將庚寅庚子同情今松坪藥塢要畱筍屐紙窗竹屋未
了書檠礙懸弧風更雪願修到梅花等樣清寒煙外一
灞橋驢背白髮諸生

湘月

雪夜由錢清返棹

雪篷西轉一片橫糊卹落絕無人語太守祠邊風力緊

吹猛撲船狂絮梅驛塘坳魚沈澈底客在冰壺住
鴉三兩帶聲飛過前浦舟子嬾似疲驢催呼罔覺峭冷
逼吾衣履咫尺柴門盼不到何況關山羈旅晚飯未炊
寒爐難熨漏刻茫無據荒雞眠穩休教驚我歸櫓

八聲甘州

送王芳汀赴新安

羨瑯琊才子正丁年意氣薄層霄問溫經十載論交四
世底事輕拋要試參軍擘畫慷慨代人庖看大夫勲懋
處士聲高休歎江山如畫憶盤輿坐我兩度沙遙有
攜歸龍尾磨久已成凹聽今番渭城朝雨應夢魂重溯

到烏聊春郊外白雲青嶂濶水長橋

蘇武慢

又雪

霽景方融陽烏頓匿依舊同雲濃布山容冠玉剝蝕參
差瀨髓爭新漸補重逢瑞兆益信豐年繾綣天心眷顧
媿老夫下瀝無田恐負多稔多黍纔掃開巷北橋南
續紛堆垛又失尋梅去路程門再立梁苑回頭銀海光
搖如故白戰未忘空拳尙在餘勇我猶堪賈吟歸朗朗
瑤臺續聽堯年鶴語

玉燭新

全桂芬阿超西莊采菱

問干卿何事當嫋嫋西風在河之渙舉雙頭四角今誰
辨索解人原不易熏香小妾與騎竹童孫並侍便算做
泛宅浮家笑語分甘水次紛紛翠婉紅嬌偏反動澄
波絲牽未已放舟日午搖曳到邨舍暮煙齊起盈筐滿
几博得老饕狂喜要賽他菰米蓮房江鄉風味

喜遷鶯

湖山神廟有鶴一隻見余輒舞且舞必良久因
左翮爲人所鍛不能高飛憐而賦之

矯然姿致豈必處雞羣纔驚其異飴聚潭皋乘軒沐土

俱未滿平生意既無成都賢守又乏孤山高士只合向
閨苑傳書也不應來此 羊公休浪喜客往觀時厥狀
穠穠矣吾爲若歌若爲吾舞相契因緣匪易山下芝田
難得世上道林有幾誰護養這凌霄病翮翱翔千里

意難忘

夏日沈咸若招游嘉湖別墅採食楊梅復泛舟

孔湖

櫂出南城喜楊梅林下舊雨相迎琴樽攜竹屋雞黍款
松坪纔曳屐復揚船避暑孔湖行最好是山空有影潭
靜無聲 滿川香杜芳蘅況多情石姥螺髻堆青煙霞

濃淡髓魚鳥淡忘形殘醉醒晚涼生一片夕陽明剛照
到渡頭短杓柳外疎罨

疎簾淡月

余築生壙處與先父母墳塋去纔里許始築
之夕卽夢慈親不勝感愴

一抔黃土恰面挹西峯非耽氣爽咫尺先塋差勝白雲
遙望河東有賦天難上負雙親沈淪窮巷未膺半職敢
希五鼎祭貧如養矧廿載塵輪浪槩定省光陰遠游
長曠夢裡纏綿猶是縫衣情狀願呼兒早歸泉壤墓門
月白松風響縱然魂魄長依怎抵生前相

月華清

盆荷

庭院幽閒盎盎森列邁種紅顏如此終日凌波雅擅洛
神姿致經長夏何畏炎蒸生濁淖不需泥滓洵美那尋
芳茂叔愛蓮有以最是平明早起看旭影初籠露華
纔洗除靈運詩篇有誰堪比契予懷其臭如蘭任風動
立而不倚凝睇幾花鬢妬殺西湖十里

水龍吟

輓壽芝厓

生平慷慨談兵馬前露布旄頭檄嚴城雖破匹夫猶勇

堂堂罵賊李土皆臣知方有素捐軀何惜芝厓在諸縣幕遭林少
文之難罵賊被擒不屈而死歎臺澎官舍參軍無數誰血濺青衫赤
昔日三山同客屢關酒吟花對奕一帆風利廿年星
散九原燐碧奏凱歌還故人何在望洋心惻夢海天聲
厲忠魂怒髮共鯨波立

虞美人

題王石谷煙江疊嶂圖

江南江北帆檣路參錯懸崖樹水邨山驛已模糊何況
峯坳塔影有疑無浮嵐暖翠陰晴態盡拾魚簪內煙
波最好楚天秋添我一篙載酒上荊州

醉蓬萊

陳麗湖自遼東旋里寄此代柬

感良朋離散匹馬斜陽長城遽出一十三年困窮廬荒
積凍雪如山驚沙似礮銷盡人肌骨幾度思君迢迢邊
塞鯉沈鴻寂何幸春回恩深雨露萬里孤臣玉關
生入舊巷烏衣休悵燕巢都易秦望煙霞鑑湖風月尙
儘堪游息寄語陳遵蔗境方甘莫嗟頭白

蘇武慢

七夕

塞雁初歸庭梧乍響天上團圓佳夕暑因露洗風與雲

微萬里銀河浪息問津燕婉雙星駕鵲有緣成橋匪石
感人閒乞巧牛郎謀拙當年空惜猶欣幸相逢歲歲
秋以爲期清漢何會長隔離懷重訴差勝嫦娥終古廣
寒無匹曙色多情且教淡月稀星相催休急這話別殘
宵眞箇千金一刻

夏雲峯

門前有兩槐植六十年矣忽遭大風拔去其一
感填此闕

綠樹森濃停雲左右疇昔栽培匪易分明是桑樞野景
偏髣髴銅駝遺意恁顛狂風伯無情將作楫良材簸同

糠粃歎落角摧牙傷根拔本寫盡蘭成賦裏 回想喬
柯簷畔起覺伯仲龍蒸聊芳眼底方期汝千霄直上誰
料及中途天棄感老懷無限淒其看映戶彤單花黃頓
異語訪舊朋來傳書使至休問雙槐門第

玲瓏四犯

蘭亭懷古

修禊云遙墨妙臨池千秋絕技石馬昭陵終古雲封蘭
紙夷猶片筏緣溪風景果然幽異訝驚兒時繞亭邊似
感右軍知己 始基豈必苞桑繫銅仙辭漢無端徒須
知十二雕欄也不是晉賢凭倚若教山石能言爲述機

江國山房集 卷三
楹與廢那風流裙屐畢竟詠觴何地

望梅

咏紅魚

凡鱗羞伴是金身鑄就丹砂重絢最愛渠分寸形骸徧
多錫嘉名供人清玩蘊藻中閒時有絳雲隱現幸不充
羹膾那怕綸竿何知江漢 休嫌盎盆波淺我憑欄細
數幾開青眼囑獠奴珍重千般挹濠梁剩水注茲常滿
策策成羣看箇箇洋洋意遠似武陵源口浮出桃花零
亂

滿庭芳

重游北山瑞峯禪院復泛舟湘湖再過止水菴
入谷籃輿舁來阿對何須兒子門生邀游萬里野服未
曾更勿墮終南徑捷移文應不作山靈吾頭白卻輸菩
薩髻尙似峯青 乘流向西去盪舟湫口湖水盈盈又
遇招提境樹疊雲橫一縷香縈薝蔔勝荷花開滿前汀
年雖晚舊交多佛到處有逢迎